




HOOFSTUK 6:
PROFESIEË VAN CHRISTUS



Na Elísa, het God ander profete soos Jesaja, Jeremia en Amos opgeroep. Hulle moes die volk vermaan om weg te draai van afgodediens en sonde. God het deur hierdie profete gepraat en hulle opdrag gegee om baie profesieë, aangaande dinge wat nog gaan gebeur, neer te skryf.

Jesaja was profeet tydens die beheer van konings Ussia, Jotam, Agas en Hiskía (Ongeveer 760 – 700 v.C.) God het deur Jesaja gepraat; Ek het kinders gevoed en groot gemaak maar hulle het teen my in opstand gekom. Die dom os ken sy eienaar, maar Israel ken my nie. Julle is 'n sondige nasie, 'n volk wat gevul is met onreg, kinders van boosaards.

As julle jul boosheid aflê en die verdruktes ophef, die wese versorg en voorsiening maak vir weduwees, sal Ek julle herstel en genees, maar as julle nie na my draai nie, sal julle deur die swaard vernietig word. Julle hele land sal verlate wees en die stede sal verbrand word. Jul seuns sal na Babelonië geneem word en daar ontman word om in die paleis van die koning van Babel te dien.

Jeremia was 'n profeet gedurende die heerskappy van Josía, Jójakim en Sedekía. (Ongeveer 630 – 590 v.C.) Jeremia het gesê, so sê die HERE; Kyk, Ek hou julle die weg van die lewe voor en die weg van die dood. Diegene wat in hierdie stad bly, sal deur die swaard, hongersnood en die pes sterf; maar hy wat uitgaan en oorloop na die Chaldeërs, wat julle beleër, sal lewe, maar hy sal 'n slaaf in Babel word. Want Ek het my aangesig teen hierdie stad gedraai ten kwade, spreek die HERE: dit sal oorgegee word in die hand van die koning van Babel, en hy sal dit verbrand.



Die HERE het deur Amos gespreek;
 En Ek self, sal teen julle oorlog voer met 'n
 uitgestrekte hand en 'n kragtige arm, selfs in
 woede, in toorn en in groot gramskap. En Ek
 sal die inwoners van hierdie stad verslaan, mens
 en dier: aan 'n dodelike pes sal hulle sterwe.
 En daarna, so spreek die HERE, sal Ek,
 Sedekía die koning van Juda, sy dienaars en
 die volk, almal wat in die stad, na die pes, die
 swaard en hongersnood oorgebly het,
 oorgee in die hand van Nebukadnésar,
 die koning van Babel, in die hand van
 julle vyande en in die hand van die wat hulle
 lewe soek: en hy sal hulle verslaan met die
 skerpte van die swaard; hy sal geen medelye
 met hulle hê of hulle spaar of hom ontferm nie.
 My toorn sal soos vuur brand en niemand sal dit
 blus nie. Hulle sal julle as slawe na Babel
 wegneem en julle met die swaard verslaan.
 Baie van die wat na Babel gaan, sal daar
 doodgaan en begrawe word.
 Amos was 'n profeet gedurende die
 heerskappy van konings Ussía en
 Jeróbiam II.



God het deur Amos gespreek; Julle vrouens is soos koeie wat hul mans nodig het om hulle te voorsien van drank. Julle sal nie langer julle mans domineer nie. Julle sal met vishoeke in julle vlees weggelei word om slawe in Babel te word.

Julle lê ledig op duur meubels rond en eet van die vet van die land. Julle luister na musiek terwyl julle groot hoeveelhede wyn drink. Julle het regverdigheid verwerp, die armes vertrap, die regverdiges verdruk en omkoopgeld geneem, en die behoeftiges se regte ontnaem. Julle sal wingerde plant, maar julle vyande sal die wyn drink. Julle weermag sal vernietig word en julle sal weggevoer word om slawe in 'n vreemde land te wees.

God sê, Ek sal die altare van Betel vernietig en julle winter- sowel as somer huise afbreek. Julle verdruk die armes, aanvaar omkoopgeld, en onderdruk die behoeftiges. Ek het reën weerhou, hongersnood en siekte gestuur en steeds wil julle nie tot inkeer kom nie. Julle plant wingerde vir meer wyn, maar julle sal dit nie drink nie.

Moeder, ek is so honger.

753 v.C.

Hoséa was 'n profeet tydens die heerskappy van die konings Ussia, Jotam en Agas. (Ongeveer 785-725 v.C.) Hoséa het so profeteer; Israel sal onder die swaard val, hulle kleintjies sal op die grond verpletter word, hulle swanger vroue sal oopgeskeur word.

Die dag sal kom wanneer God haar sondes sal vergewe, en weer vir Israel met vrymoedigheid sal liefhê. Weereens sal Israel bloei soos 'n lelie. Sy sal uitsprei soos 'n olyfboom en haar geur sal wees soos 'n seder van Libanon.

Gedurende die jare na ballingskap in Babelonië, sal julle versprei onder al die nasies en daar sal julle vervolg word, julle eiendom afgeneem word en julle sal geen rusplek vind nie.

Hulle vat alles. Hoekom los hulle ons nie uit nie?

Mamma, waar gaan ons bly?


Hierdie behoort 'n goeie prys te haal. Ek gaan dit haat as die Jode weggaan. Hulle was baie goed vir besigheid.

Dit sê dat al die Jode, binne drie dae, uit die land uit moet wees!

Volgens hierdie dokument, moet die Jode die land verlaat en julle mag geen besittings saam met julle neem nie.

Ek het nog altyd hierdie koei begeer.

Omdat die volk van Israel God se woord verwerp het, word hulle versprei onder al die volke van die aarde. Hulle sou nie rus vind totdat God hulle terugbring na die land van hulle voorvaders nie.




Die hele land van Israel sal 'n woesteryn word, en julle sal die koning van Babelonië sewentig jaar lank dien. Maar na sewentig jaar, sal Ek Babel straf vir hulle ongeregtigheid en dan kom 'n oorblyfsel van die volk terug na hierdie land om dit te herbou.

Jerusalem sal so verlate wees dat dit soos 'n ploegland sal lyk.


Hierdie profesie het waar geword. Die vyand het inderdaad Jerusalem omgeploeg. Maar in die laaste dae (einde van die wêreld sisteme) sal die tempel herbou word en die volke sal daarheen toestroom.

Die profeet Miga het geleef vanaf 750-686 v.C. en hy profeteer so:

En baie volke sal kom en sê, kom laat ons opgaan na die berg van die HERE, en na die huis van die God van Jakob; en Hy sal ons Sy weë leer en ons sal wandel in Sy paaie; want uit Sion sal die wet uitgaan en die woord van die HERE uit Jerusalem.



En Hy sal oordeel oor baie volke en magtige nasies teregsprek tot in die verste lande; en hulle sal van hul swaarde pikke smee en van hul spiese snoeimesse, nie meer sal nasie teen nasie die swaard ophef nie, en hulle sal nie meer leer om oorlog te voer nie. Maar hulle sal sit elkeen onder sy wingerdstok en onder sy vyeboom, sonder dat iemand hulle verskrik; want die mond van die Here van die leërske het dit gesprek.



En ons sal wandel in die naam van die HERE onse God vir ewig en altoos. In dié dag, spreek die HERE, sal Ek bymekaarmaak wat verdryf was, en Ek sal 'n magtige nasie maak: en die HERE sal koning wees oor hulle op die berg Sion, van nou af tot in ewigheid.

Jeremia het so geprofeteer:

Koning Sedekia het in die oë van die Here goddeloos gelewe. Hy sal nie doodgemaak word nie. Hy sal na Babilonië gaan waar hy sy lewe sal uitleef tussen sy eie mense, maar Babilonië sal hy nooit weer sien nie, want hy sal met blindheid geslaan wees. Julle sal sewentig jaar in Babilonië bly.

Aan die einde van die sewentig jaar, sal 'n weermag uit die noorde, Babel oorwin en 'n oorblyfsel van ons volk sal terugkeer na hierdie land om die stad en die tempel te herbou.


Na 'n tyd van oordeel, sal God hulle sonde vergewe en Jerusalem sal deur al die geslagte bewoon wees.

Neem hierdie boek saam met jou na Babel en lees dit daar aan die volk voor, sodat hulle sal verstaan wat hulle moet verduur voordat hulle kan terugkeer.

Ek sal die troon van Dawid herstel en julle sal terugkeer en die hele land besit.

Esegiël profeteer; Hulle sal onder die nasies versprei word, maar net soos God hulle verstrooi het, sal Hy hulle uiteindelik weer terugbring na die land.

Hy het Abraham belowe dat sy nakomelinge die land vir ewig sal besit, en God breek nie sy beloftes nie. Maar omdat die volk sonde pleeg, sal God hulle in ballingskap verstrooi onder nasies waar vreemde gode aanbid word, maar uiteindelik sal Hy hulle terugbring.



Ook Egipte sal deur Babel oorwin word, en vir veertig jaar sal Egipteland 'n wildernis en puinhoop wees. Nadat hulle terugkeer van Babel af sal Egipte nooit weer so magtig wees as vroeër nie, maar dit sal bly bestaan tot in die laaste dae en dan sal Egipte en Assirië my volk Israel bystaan in 'n drievoudige vredesooreenkoms en Ek sal hulle seën.

Die Filistyne sal vernietig word en nie meer bestaan nie. Netso sal Asdad, Ekron, en Ammon, nie meer bestaan nie. Edom sal geheel en al verwoes word. Tirus sal vernietig word en al die hout en stene sal in die see geslinger word. Dit sal nooit weer bewoon word nie en die grond sal soos 'n kaal rots wees, 'n plek vir vissermanne om hulle nette uit te droog.

Maar Persië (Iran), Turkye, Ethiopië en Libië sal bestaan tot aan die einde wanneer hulle sal probeer om die land van Israel oor te neem. Hulle sal op die berge van Israel omkom.

Die profesieë in die Bybel is altyd volmaak en akkuraat. Al die stede en volke waarvoor geprofeteer was, dat hulle nie sou voortbestaan nie, het tot 'n einde gekom. Die nasies wat sou voortbestaan, is vandag nog met ons.

Gedurende 605 v.C. was Israel deur Babilonië oorwin, net soos geprofeteer was.

Na die oorlog was meer as 5000 Jode in ballingskap na Babilonië weggevoer. Hulle het veral die jong en geleerde mense gevat. Die plan was dat hulle tot voordeel van die koninkryk sou wees. Onder hulle was 'n jongman met die naam Daniël. Hy het die gebooië nagekom en in gehoorsaamheid aan die God van Abraham geleef.

O Here, weens die sondes van ons vaders word ons gestraf. Help ons om, selfs in hierdie vreemde land, U wet te gehoorsaam.

Daniël was 'n gevangene in 'n vreemde land, maar hy het besluit om getrou aan sy God te bly. Die Babiloniërs het opgemerk dat hy 'n goeie verstand en wysheid gehad het en het hom aangestel as een van die wyse manne van Babel.

Ons dank U, O Here van hemel en aarde, Koning van die heelal, dat U ons daaglikse brood voorsien.

Nebukadnésar, die koning van Babel, het wakker geword na 'n buitengewone droom.

Wat beteken hierdie droom? Sekerlik is so 'n droom deur die gode gestuur om die toekoms te openbaar.

Julle is die wyse manne. Julle getuig dat die gode julle dinge vertel. Nou verklaar aan my wat ek gedroom het en wat my droom beteken.

Maar hoe kan u verwag dat ons die betekenis van die droom moet uitlê as u ons nie vertel wat die droom is nie? Niemand behalwe die gode kan dit tog doen nie.



Ek het geweet julle is almal bedrieërs. Die gode praat nie met julle nie. Julle en jul gesinne sal doodgemaak word en julle huise sal mishope wees.



Ek is jammer, Daniël, maar môre sal jy en al die wyse manne van Babel doodgemaak word. Die koning glo nie meer sy eie raadgewers, geleerdes en priesters nie.

Maar **Jehova God** kan die koning se droom en die betekenis daarvan bekend maak. Ek moet alleen wees om te bid. Kyk of jy hom kan kry om een dag uit te stel.



HERE, U alleen is God en koning van die hemel. Maak asseblief aan U dienaar bekend wat sal plaasvind. Daar is geen ander God soos U nie.

Daniël, luister na my...



Gou, neem my na die koning!


As jy nie aan die koning sy droom kan vertel nie, sal hy my op die plek doodmaak.



O Koning, jy is die koning van alle konings, omdat die God van die hemel jou so gemaak het. Hy het aan jou 'n beeld gegee van wat in die laaste dae sal gebeur.

Moenie my tyd mors nie. Kan jy my, my droom vertel of nie?

Die ware God, skepper van die heelal, het u droom aan u dienskneg bekend gemaak.





Verder, O Koning, het u 'n rots gesien wat uit 'n berg gekap was, maar nie deur mensehande nie. Dit het teen die berg afgerol en die beeld se voete getref en al die koninkryke was in 'n oogwink vernietig.



Die rots verteenwoordig die seun van God wat na die aarde sal kom en 'n glorieryke koninkryk sal oprig.

Aan die einde van tyd, sal al die dooies opgewek word om beoordeel te word. Die wat in boosheid geleef het, sal beskaamd wees en die ewige verderf ontvang. Die wat goed gedoen het sal die ewige lewe ontvang.



Sonder twyfel, hierdie woorde wat jy spreek kom van God. Hoe anders kon jy my droom in elke besonderheid geken het. **Ek sal jou heerser oor al die wyse manne maak.**

Daniël het vir 68 jaar in Babel bly voortleef. Hy het drome uitgeleë en baie keer die toekoms voorspel. Met verloop van tyd het koning Nebukadnésar gesterf en sy seun Bêlsasar het sy plek geneem.



Een aand terwyl Bêlsasar 'n feesmaal gehou het en almal vreeslik gedrink het, het 'n hand uit die niet verskyn en teen 'n muur geskryf. Daniël was ingeroep om die skrif te lees. God het hom in staat gestel om hierdie onbekende taal te verstaan.

O Koning, **u het teen God gesondig.** Soos die profete voorspel het, word u koninkryk vannag van u weggeneem en aan die Meders en Perse oorgegee.



Die profete het voorspel dat Babel tot 'n val sou kom wanneer die vyand deur die twee hekke sou inkom, wat oopmaak om water aan die stad te voorsien. Dit het gebeur terwyl die mense te dronk was om dit agter te kom. Terwyl Daniël nog gepraat het, was die vyand alreeds besig om die stad binne te val.

Nadat die Meders en Perse Babel verower het, het Daniël 'n ou boek ontdek wat deur die profeet Jeremia geskryf was – een van die boeke van die Bybel. Terwyl hy gelees het, was hy verbaas om te ontdek dat God vroeër reeds voorspel het dat die ballingskap in Babel net 70 jaar sou duur.



Daarna sou 'n oorblyfsel terugkeer na Jerusalem om die mure en die tempel te herbou. Toe hy verder lees, het hy ontdek dat die profeet 200 jaar gelede tot selfs die naam van die Persiese koning genoem het wat die bevel sou gee dat hulle kon terugkeer.



Dit is nou al amper 69 jaar.... **nog net een jaar oor.** Hier staan geskrywe dat Kores, God se dienaar is en dat hy God se wil doen. Hy sal bevel gee dat ons terugkeer na ons tuisland! Geseënd is U, O Here ons God, Koning van die heelal.



Kores het die Jode 70 jaar na hulle gevangenskap vrygelaat, net soos die Geskryfte voorspel het en 52,000 oorblywendes het terugkeer om die stad te herbou.

Net soos God aan Abraham beloof het, het Hy ons hierdie land gegee as 'n ewige besitting. Hy het ons vaders gevaarsku dat ons oorgelewer sou word in die hande van ons vyande as ons ander gode dien, maar Hy het ook belowe om nooit Sy volk te vergeet nie. God het Sy woord gehou. Noudat ons teruggekeer het, moet ons Hom gehoorsaam wees.

Ons moet organiseer. Ons sal eerstens die mure herbou en dan kan ons met die **tempel** begin.

O Here, God van Abraham, U het ons teruggebring soos U belowe het, leer ons om U weë te volg.

Ek het vars water gebring. Laat ons met die werk begin.

Aangesien Daniël reeds baie oud was, het hy nie met die volk teruggekeer nie. Hy het steeds 'n belangrike rol gespeel as raadgewer aan die konings van die Mede-Persiese ryk, wat nou in die stad van Babel gevestig was. God het hom meer visioene aangaande die toekoms gegee, selfs tot aan die einde van tyd. Een droom was van 'n metaal gedierte. 'n Engel het hom vertel wat die beeld van die ondier beteken.




God wys jou wat in die laaste dae sal gebeur. Hy het aan Nebukadnézar bekend gemaak dat daar vier koninkryke sal wees. Daar was reeds twee. Na hierdie Mede-Persiese ryk sal die Grieke regeer. Hulle sal vinnig oorneem maar sal ook gou tot 'n val kom en in vier koninkryke verdeel. Die ryke sal dan onder mekaar veg totdat daar net twee oor is. Hulle sal vir baie jare oor en weer veg totdat hulle deur 'n vierde koninkryk oorwin word – dit is wat hierdie metaal gedierte voorstel.

Die vierde koninkryk sal soos yster wees, magtiger en sterker as al die vorige koninkryke. Dit sal almal verslaan, maar in die laaste dae sal hierdie koninkryk in tien nasies verdeel. Dan sal daar 'n man opstaan wat vrede verkondig. Hy is die laaste horing wat uit die gedierte se kop groei. In die laaste dae sal hy mense vlei en vrede belowe, maar slegs om hulle te verslaan en vernietig. Hy sal dan die gedierte in die aller heiligste plek in die Joodse temple oprig en dit sodoende onrein maak en offergawes sal ophou. Daar sal dan 'n tyd van groot benoudheid oor die hele aarde volg. Maar die regverdiges sal verlos word.

Daniël, God wil hê dat jy moet weet wanneer en wat in die toekoms gaan gebeur. Vandat die bevel gegee word om die tempel te herstel en herbou, sal daar 483 jaar verloop, daarna sal die Messias gedood word as betaling vir die sonde van mense, en dan sal die tempel weer vernietig word.

Hierdie profesie sal vervul word en die Messias sal gesalf word. Daar sal versoening gemaak word vir sonde en ewige geregtigheid sal die mens se deel word.

Net soos Daniël dit aangeteken het, het Jesus sy triomfantlike intog in Jerusalem gemaak op die presiese dag toe die 483 jaar verby was.



Vandat God Adam en Eva geskape het, was baie profesieë gemaak wat die koms van die Christus voorspel het: God het aan Adam en Eva gesê dat die saad van die vrou sal kom om die bose een te vernietig. Aan Noag het God gesê dat die Messias van die nageslag van Sem sou kom, nie van Jafet en nie van Gam nie. God het aan Abraham gesê dat die Verlosser uit sy nageslag, deur sy seun Isak, sou gebore word. God het vir Isak gesê dat die beloofde een deur sy seun Jakob sou kom, en Hy het aan Jakob gesê dat Christus deur Juda sou kom.

Baie meer presiese profesieë aangaande die lewe van die Verlosser was deur God aan verskeie profete gegee. Hulle sê dat die alomteenwoordigheid van die verlosser van ewigheid af bestaan. Die Verlosser sou uit 'n maagd gebore word in die stad van Betlehem, in Judéa. Dat Hy nederig van aangesig sou wees en dat Hy op 'n esel sou ry. Die Here se Gees sal oor hom heers en Hy sal oordeel oor die heidene bring. Hy sal ook die lig aan die heidene bring en verlossing aan almal wat op aarde is bied. 'n Lydende Messias sal hy wees en Hy sal deur sy eie mense verwerp word. Hy sal sterf en sy hande en voete sal deurboor word. Hy sal naak opgehang wees, sal dors wees en asyn sal aan Hom gegee word om te drink. Hy sal tussen twee misdadigers hang maar in 'n ryk man se graf begrawe word.

Die profesieë van Daniël aangaande die vier koninkryke was bewaarheid presies net soos voorspel was. In 330 v.C. het Alexander die Grote van Griekeland begin met sy heerskappy wat sewe jaar geduur het. In die tydperk het hy die destydse wêreld oorgeneem, insluitend die ryk van die Meders en Perse. Die Grieke was aan bewind tot ongeveer 167 v.C. toe die vierde koninkryk, naamlik Rome, begin oorneem het.

Rome, wat in Nebukadnésar se droom, deur die bene en voete van yster en in Daniël se droom as die ongedierte, verteenwoordig was, het sy mag en gebied uitgebrei, ook net soos voorspel was. In 5 v.C. het Rome Israel met 'n ysterhand regeer.